

Transkript sa konferencije za medije međunarodnih organizacija



OHR, Oleg Milišić
EUFOR, Nicholas Foster

OHR

Mandat Komisije za reviziju državljanstva

Mandat Državne komisije za reviziju odluka o naturalizaciji stranih državljana, koja je osnovana Odlukom Vijeća ministara Bosne i Hercegovine od 16. februara 2006. godine, ističe u petak.

Komisija je osnovana sa mandatom od jedne godine da izvrši reviziju naturalizacije stranih državljana koja se desila između 6. aprila 1992. godine i 1. januara 2006. godine.

Na svojoj sjednici održanoj 18. oktobra 2006. godine Vijeće ministara BiH je dalo punu podršku radu Komisije izjavivši da Komisija treba nastaviti svoj rad sa zadatkom da svoje nalaze proslijedi Tužilaštvu Bosne i Hercegovine.

Pred Komisijom se nalazi otprilike 1.320 slučajeva. Odluke su donesene u 856 slučajeva, a još 465 slučajeva se treba završiti.

Komisija za reviziju državljanstva i proces revizije koji provodi su od ključnog značaja za aktivnosti Bosne i Hercegovine u borbi protiv terorizma. To je važno da bi se u Evropskoj uniji i drugdje stvorilo povjerenje u BiH, što bi pomoglo u olakšavanju viznog režima. Stoga je od ključnog značaja da Komisija dovrši svoj posao.

U normalnim okolnostima Parlamentarna skupština Bosne i Hercegovine bi bila u poziciji da donese odluku o produženju mandata Komisije. Međutim, Dom naroda BiH se tek treba oformiti. Stoga se postavlja pitanje kako će Komisija biti u mogućnosti da završi svoj zadatak.

OHR poziva institucije Bosne i Hercegovine da pažljivo razmotre ovo pitanje kako bi našle način da se ovaj problem riješi prije nego što mandat Komisije istekne krajem ove sedmice.

EUFOR

Nije bilo izjava.